

Headline	Kayuh basikal rentasi Thailand		
MediaTitle	Sinar Harian (Utara)		
Date	24 Feb 2016	Language	Malay
Circulation	25,000	Readership	75,000
Section	NEWS	Color	Full Color
Page No	46	ArticleSize	286 cm ²
AdValue	RM 1,587	PR Value	RM 4,761



Kayuh basikal rentasi Thailand

WANG KELIAN - Seramai 16 ahli Kelab Mountain Bike Universiti Utara Malaysia (MTB UUM) menyahut cabaran Kayuhan Amal Mtb UUM-Satun 2016 merentas Thailand dengan berbasikal sejauh 150 kilometer dalam usaha menyantuni masyarakat Islam di Satun, baru-baru ini.

Biro Informasi dan Publisiti, Mohd Fadzli Suhaimi berkata, ahli kelab memulakan perjalanan dari Wang Kelian, Perlis menuju ke Satun, Thailand bagi menyampaikan sumbangan kepada masyarakat di sana di samping mempromosikan Discover UUM.

"Kayuhan ini memberi peluang kepada peserta yang baru berjinak-jinak dalam sukan berbasikal ini. Menariknya kami juga merupakan pasukan berbasikal pertama tiba di sana.

"Program dua hari ini turut menambah pengalaman berbasikal di tempat orang selain beramal membantu mereka memerlukan," katanya.

Ketua ekspedisi, Amirudin Hashim berkata, bicycle touring merupakan aca-



Peserta bergambar bersama masyarakat di Satun.

ra dinantikan penggemar sukan berbasikal bagi merehatkan minda sambil menyaksikan keindahan alam semula jadi.

"Lokasi ini memberi cabaran kepada peserta baru dan lama. Mereka juga memberi kerjasama baik dalam menayakan ekspedisi ini.

"Disebabkan ada peserta baru, jadi kita tak ada checkpoint tertentu. Jika penat, kita akan berhenti," katanya.

Amirudin berkata, dia kagum dengan semangat ditunjukkan peserta mengharungi perjalanan sampai ke destinasi.



Mohd Fadzli (belakang) bersama-sama penduduk kampung.



Peserta sempat bermain bola sepak bersama anak-anak di Satun, Thailand.